

盾墨留芬
(二)

盾墨留芬卷五

善化麓樵胡傳釗編輯

總理衙門來電奉

旨臺防萬緊劉銘傳務當勤加偵探極力備禦曾國荃穆圖善等無論如何爲難仍當設法與臺通消息妥籌接應如臺北不能登岸其臺南一帶但有可通之路務即相度繞趨渡臺應援不准稍有膜視廣東距南較近並著彭玉麟張之洞等急籌援濟李鴻章如有設法之處亦著一體詳籌務使臺灣兵械一切無缺乏之慮等因欽此

帥諭

法人悉力犯臺其臺北各口必以巨艦據守輪商各船慮多梗阻而閩海港汊紛歧必有間道可以遠越不厭博訪周諮冀得一當茲據伏波兵船管駕呂游擊文經稟稱查臺灣中路之竹塹香山中港後壠大甲吾棲鹿港各小港水淺沙多外國兵船停泊不便而中國商船值此東北風當令來往較快其水程距省或七八十哩或八九十哩或一百零哩不等每哩三里三設山海壇草嶼門興化之南曰湄州惠安之崇武泉州之秀塗晉江之圍頭各港開洋一晝夜可到水程開摺呈送等情據此查摺開臺灣中路水程尚屬詳細其間淺水小港敵船斷難停泊粵洋如有

往來臺灣商船自必熟悉該處路徑給以重貲令其運解軍火接濟糧餉於臺防不無裨益札飭該處會同東藩司善後局迅速籌商勿稍遲延

計開

一由馬尾至長樂縣計行一點鐘

一由長樂至上夏港計陸程七十里

一由上夏至海壇草嶼門計水程四十二哩

一由海壇草嶼門港至臺灣竹塹港計水程七十五哩

一由草嶼門港至臺灣香山港計水程七十四哩

一由草嶼門港至臺灣中港計水程七十六哩

一由草嶼門港至臺灣後壠港計水程七十二哩

一由興化屬之南日港至臺大甲港計水程八十二哩

一由南日港至臺灣吳淞港計水程八十四哩

一由興化屬之湄州港至臺灣鹿港計水程九十二哩

一由東安屬之崇武港至臺灣鹿港計水程九十三哩

一由泉州秀塗港至臺灣鹿港計水程一百零六哩

一由晉江屬之圍頭港至臺灣鹿港計水程一百零五哩

說帖

嚴丞往雷州已議給往返火食川資親兵四名每名每日六分一併在內稟奉 諭云嚴丞係地方差使毋庸給火

食川貲惟借派親兵可給往返火食二十天等因查嚴承之差既是地方公事如按驛行走可毋庸議給往返火食川貲今須由輪船去來船費供應誰給自當核實援請照請照辦理

付再令回省算結以免賠累是否有當悉聽

尊裁

德國訂購運到二十一生克虜伯後膛大礮十六尊梟台遵委會同周道炳勳蔣道澤春李鎮先義等於十月十六日起程到臺協同各臺統領詳細審察務期安設礮位與形勢相宜以資扼禦因勘得魚珠之獅尾可安礮二尊蟬山可安礮一尊沙路之馬腰可安礮二尊威遠之山腰山麓可安礮二尊鎮遠舊臺之上可安礮一尊上下橫檔之

頂可各安礮一尊大角之山腰可安礮二尊鵝觜舊臺之上可安礮二尊沙角舊臺之上於廟基左右可安礮二尊於廟左山上可安礮二尊捕魚山可安礮一尊其白鶴山鼻灣山開有礮基頗費兵力現亦無礮可撥應俟籌款設購到日再行添安二尊外凡各臺兵房子藥房等項擬卽責成駐臺統領督修不必徒飾外觀似毋庸修臺委員王懋官等領款監造以節虛糜所需工料若干容與撙節估計定立限期會同善後局司道確核繪具圖說稟候鈞裁再途奉電傳

憲諭以此次勘臺所到務卽詳查各營將士是否和睦營

規是否嚴肅有無弊端怨言操練是否漸熟礮械是否整潔水雷是否完好以及各路輪拖巡雷各船人械是否齊整妥協回省據實稟覆等因

本司道等

因於接晤營僚之

時留心體察語言幸咸知師克在和之義所列隊伍既肅即可知號令之素嚴所循步武既齊亦可臻操練之漸熟礮械之演放尙能取準而修理當求其精水雷之安置宜在中洪則量移貴擇其要至各輪拖巡雷船人械急切難以調驗各營弊端亦非倉卒所能深悉除再隨時訪查密稟外合稟候示

存儲操演及定礮臺經費各章程

一各臺每礮一位應存開花礮五十箇實心礮五十箇鐵
羣子五百斤開花礮應配銅五件五十套暗士當郎猛的
力瓦瓦司烏理治等礮開花礮不用銅五件應配銅螺絲
彈嘴五十箇火藥或用太石子藥小粒藥六角藥棋子藥
礮粉藥總須視礮所宜定每礮食藥若干存一百出之數
開花礮內用橫力藥每礮應存五十出須裝箱號記另存
勿誤入礮其引門火一項有銅螺絲火長火圍圓短火圍
圓銅拉火亦應每礮一位存一百枝其做藥袋之佛郎絨
嗶嘰捆袋之毛帶亦應每礮一位存一百分以備臨時取
用

一存臺之開花實心礮碼宜各取十箇置礮左右開花碼所用之銅五件銅螺絲彈嘴及引門火各件宜用盒銅裝隨礮安置高乾之處以免潮損藥袋宜每礮預縫一百箇以袋十箇二十箇將藥稱準裝入用毛帶捆緊用外木內胎洋鐵之桶裝好安置高乾處總宜妥慎留心更勿凌雜亂堆以免慌忙舛錯

一各臺藥庫明恐受礮暗易受潮萬難兩全前閱各臺藥庫春夏潮甚或有水流汨汨者曾居觀音山无咎室值春夏引潮上屋頂如雨流下是高乾之處不能免潮之一證管見似斷不可藏藥宜擇不若錮日嚴密不通空氣之爲愈也

偏凹處建造明藥庫下用木板高擱滿布牆上宜留風眼

不致受潮其存臺礮碼每礮一百礮房內或不能全擱宜另建一廠將各礮碼分起堆擱勿得露置銹壞間或生銹應隨飭臺勇擦磨油好其餘各件宜曝宜風總宜妥慎收藏隨時照料切勿任意擱置以防奸弊

一各臺各營所有二磅四磅七生半脫克虜伯過山礮六磅三磅銅礮應每礮存開花礮藥一百出其四門神機礮十管格林礮三十六響格林礮應每礮管存礮藥一百出月操所需礮藥子藥仍按月按章給領

一各臺洋裝礮土礮每位存圓鐵碼五十箇鐵羣子五百斤需用土藥洋布馬蹄引每礮一位領足一百出之數存

臺備用月操所需之土藥洋布仍每月按礮赴局請領各
土礮臺各營各紅單船礮位一律辦理

一新領月操之礮藥銅五件銅螺絲彈嘴銅螺絲火長短
火圍圓銅拉火及佛郎絨嘍嘰洋布等件應以新易陳將
存者換出月操俾免潮霉損壞

一各營需用各種後膛槍每一桿領足礮二百出前膛大
噐槍抬槍綫槍等項每一桿領足洋藥鉛礮二百出存營
備用其月操所需礮藥子藥按月按槍赴局請領仍遵照
定章所有後膛槍未將上月用過槍礮銅壳繳局者下月
不得續領

一各營領用各種後膛槍每桿貴者需銀十數兩少亦需銀五六圓不可毫無責成除前敵屢經出隊或被圍轟擊槍械有損繳寄修理對換倘或遺失統領營哨分等差難賠外坐營槍械僅月操有損由統領驗明飭令營哨修理重損及遺失責令賠繳毋任推諉以致叅追

一洋槍純恃機括靈活方能運用快捷務宜日加擦洗上油做架安攔勿任勇丁隨意丟放恃蠻攀弄致機關不靈或生銹斑營中總宜雇一熟習機器工匠稍覺欠靈卽飭折開修整勇丁登時棍責庶有用利器不致輕廢其前膛大噫槍抬槍綫槍亦宜勤擦洗勿使銹壞倘或後膛槍碼

不繼惟此爲持久鏖戰之資切勿輕視

一各礮臺各土臺各營紅單船洋裝礮係四處覓購而得
土礮亦當年鉅款所造用得其人亦未始非克敵利器應
督勇勤加擦洗上油擱置臺上營壘宜罩木蓋勿令雨淋
日炙塵積內膛如同强水淋過廢礮致不可用隨礮洗把
藥棍亦須好爲收檢毋得遺損

一各臺各營所有礮碼及藥槍碼及藥並一切事件固在
司事者勤慎妥密細心經理尤在各統領營官時常親往
查看按月按件核實冊報不得徒以人稱有稱無爲憑如
查出一物虛浮應立將司事人斥革庶益加謹慎無稍疎

忽

一各臺每礮每月打靶一次每次裝藥演放實心碼子二
出開花碼子一出對海面河面施放如無硬靶可著不能
驗其開花則均用實心碼子定期威遠上下橫檔三臺初
三日沙角各臺初四日大角蒲洲各臺初五日長洲各臺
十三日沙路各臺十四日魚珠各臺十五日大黃濬各臺
二十三日中流沙各臺二十四日仍由各臺先期示禁船
隻往來屆日仍兩頭各派一小船截守俾對靶演放不致
悞傷行船

一非實操之日每日各礮弁邀同教習督率礮目副目礮

勇登臺將抬礮抬藥入礮入藥上油洗礮開礮門關礮門
通引門上拉火望靶測表旋礮推架發火各手法遵依教
習口令虛演五次每日操演以巳初初刻起巳正末刻止
操後將礮內礮外洗擦潔淨將油上好倘操演收拾不得
法由教習指點屢教終不得法卽革

一臺礮一位設礮弁一員礮目一名副目二名中後膛礮
添副目一名大後膛礮添副目二名礮勇多寡分別後膛
前膛酌用如後膛礮一萬斤以內礮勇設十名一萬六千
斤以內設十八名三萬斤內外設二十名前膛礮一萬斤
以內礮勇設六名一萬六千斤以內設十名二萬四千斤

以內設十二名三萬斤內外設十四名每礮仍另派勇半
礮勇之數隨同學習遇礮勇缺出提補各臺除礮教習另
請外礮弁以哨弁充補礮目以副哨充補副目從十長挑
補礮勇從親兵挑補學習礮勇從散勇挑補均不另支薪
糧

一臺礮所用人數或因臺因礮微有變通亦聽各臺自行
斟酌適宜但須大致相同不得甚相懸遠仍將每臺每礮
所設礮弁礮目副目礮勇及學習礮勇姓名年籍另冊呈
報

一礮弁應帶同礮目副目礮勇及學習之勇在礮房住宿